

ուր եզրիտ զգուսանս՝ կալեալ եդ ի Թէրսխանէ, ընդ որս եւ Ահմէտղօլի ոմն պետ նոցա ի փախուստ դարձեալ և զընկերս եդ ի Թէրսխանէ ընդ գերիսն որ գործէին ի ճամին: Արար և զթուրթուէն եասազ և յամենայն տեղիս բարձին:

Պատրիկն Երուսաղէմի Յունաց եկն ի ԺԹ Հոկտեմբերի. յետ երկից աւուրց զնացաք Ձէլէպիւն (Ապրօ) առ նա:

Եւ ի ԻԴ ամսոյն բերին զգլուխ Մուրթազայ փաշայի և ընդ նմա եղելոցն՝ Մէհէմէտ փաշայի և Սիվրի պօլուկպաշոյ եւ Չաթալպաշ կոչեցեալ ումեմն փաշայի և իւր քէհեայի, զորս կալեալ Մէհէմէտ փաշայ տէրն Ամթայ, որ հնարիւք և ջանիւք որսայր ի ձեռացն Քուրթից, յորս անկեալ էր Մուրթազայ, և սալ իւրով զօրօք և մեծամեծօք և այլ փաշայիւք, զորս յաստուստ կարգեցին՝ ի վերայ նորա երթալ և ըմբռնել: Եւ խոտացան քուրթին գանձս, մանսուպս եթէ տացէ զնա ի ձեռս իւրեանց, եթէ ոչ՝ թագաւոր ի վերայ իւր յարիցէ ի պատերազմ. զոր և կալան և հասին ըղձանաց իւրեանց: Եւ յաւուր գալստեան բերողացն գլխոց ել թագաւորն ի նամազ ալայիւք, յորում աւուրս (յաջորդեբը կը պահեն):

...(*) եւ զՈւսկիւտարն Ե եկեղեցոյն եամախ, որ էր յառաջ Սուրբ Սարգսոյ՝ ի Ժամանակ կաթողիկոսին Փիլիպպոսի արարեալ, բայց այժմ ետուն զայն և կէս

(*) Գրութեան ձեռի եւ քուրթի տեսլի տարբերութենէն յայտնի է քէ այս հասուածը ինկած է իր տեղին եւ նախընթաց տարիներէն մէկուն կը պահպանի, բայց կարելի չլլալով ժամանակագրական կարգը ճշդել՝ այստեղ կը դնենք: Ծ. Հ.